

欽定八旗通志卷一百四十八

人物志二十八

大臣傳十四

滿洲正黃旗二 圖賴 馬福塔
布延 譚布 伊爾德 滿達爾漢

舒里瑛 努山 覺羅阿克善 齊圖庫濟
席哈

圖賴

圖賴姓瓜勒佳費英東第七子也先隸饒黃旗後

與兄納蓋弟蘇完顏改撰正黃旗天聰初隨征棟

薨追擊察哈爾及攻明寧遠所至有功三年從

太宗文皇帝伐明進兵燕京其大同總兵滿桂以師赴援
圖賴直前衝擊斬殺甚衆授騎都尉世職四年隨
大貝勒阿敏等鎮守永平明監軍道張蒼等圍滦
州圖賴與副都統阿山等率護軍自永平馳至乘
夜襲擊敗之師還貝勒阿敏棄永平出邊明將率
步卒百人邀擊圖賴率十六人還戰盡殲其衆第
授三等輕車都尉五年八月從征大凌河圍其城
太宗指授方畧令與護軍統領南褚立兩旗之間遇逐我

樵採者邀擊之及明兵誘戰圖賴先馳入陣諸軍
各進戰圖賴被創

上以其違命輕進切責之九月明發援兵四萬餘來戰圖
賴統右翼兵驍馬衝陣敵兵潰走遂擒張春旋征
大同攻拔靈邱縣及小石城敘功晉二等六年大
軍破走察哈爾遂移師征明次於布里渡圖賴奉
命同叅領蘇喇達賚

敕諭明沙河堡守將明人遣官賚牛酒幣帛以獻七年隨

貝勒岳託等攻取旅順口其統兵守旅順者爲漢
軍遊擊佟圖賴明年從攻朔州以越界出畧又不
至期會地盡奪所獲物入官九年任護軍統領隨
貝勒多鐸入廣寧同都統阿山等率兵四百先趨
錦州明總兵祖大壽遣其將合松山兵三千餘人
來禦未及戰明兵驚潰我兵分路剿翦俘獲無算
軍還敘功得優賞崇德二年授爲議政大臣明年
復隨貝勒岳託征明率師先驅踰牆子嶺攻克十

一臺進兵山東明將合步騎八千來禦正紅旗隨
營蒙古阿藍泰旁却圖賴方營部勒擊敵以百騎
突至圖賴搏戰陷堅大敗之旋與都統譚泰敗明
關部劉宇亮兵於通州河上攻拔二城又分兵畧
地取二城累功晉爵三等男六年圖錦州明兵自
杏山赴援擊敗之先是蒙古有降明者曰諾木齊
在國中遣人約獻東關以降至是明兵覺圖諾木
齊家圖賴登城力戰殺敵出諸木齊以歸復破松

山騎兵指揮漢軍拔塔山杏山二城晉一等男部
議錦州之役諸貝勒所屬三旗護軍有退怯不戰
者貝勒大臣未經察治圖賴坐附和徇隱論罰贖
得

旨寬免八年或援中後所及前屯衛晉三等子順治元年
大軍至山海關流賊李自成遣兵拒戰圖賴率前
鋒軍破賊將唐通於一片石既入關破自成兵復
會大軍追敗之於望都縣超授三等公是年十月

豫親王多鐸帥師下河南自成走陝州圖賴自孟
津率精兵先渡河明守將黃士欣等各遁去瀕河
十五寨堡兵民望風歸附睢州總兵許定國等率
衆來降進薄潼關賊遣僞侯劉宗閔沿山列陣以
拒圖賴以騎兵百四十人進戰一以當百設伏掩
擊盡殪之明年賊將劉方亮整兵千餘來窺我營
圖賴與護軍統領阿濟格尼堪等率正黃鑲白正
紅鑲紅鑲藍五旗將領迎擊賊懼而奔俘斬甚衆

自成聞敗集兵拒敵圖賴復合饒黃正藍正白三
旗兵力戰殲其步卒餘騎奔竄賊糾衆又至連戰
敗之遂破潼關賊衆大潰遁走陝西旣定移兵收
江南攻克揚州獲明閩部史可法斬之追福王朱
由崧於蕪湖據江口截其路擊靖南伯黃得功兵
敗之得功中流矢死遂獲由崧餘衆悉降師旅進
爵一等公圖賴嘗謂睿親王多爾袞曰圖賴自誓
於天効忠

主上不避諸王貝勒大臣嫌怨久矣圖賴有過王若不言
將恐不免於罪戾我欲改過自新王幸毋姑息不
我教誡也會睿親王於午門集議譚泰擅隱

諭旨罪三日議未定圖賴面詰之曰何爲遲久不結耶聲
色俱厲王怒曰爾曩追流賊至望都分兵前進諸
將爭先爾於肅豫諸王前請讓且唾逞威自恣今
又以言詞逼我我固不能堪此怒色疾聲也遂去
諸王執圖賴將罪之王曰雖然此非退有後言比

且爲國効勤矢忠無他咎也解其縛而釋之三年
任本旗滿洲都統隨端重親王博洛進師浙閩軍
次杭州時明魯王朱以海據紹興其總兵方國安
等營於錢塘江東岸嚴舟以拒國賴率諸將士從
上流浮渡江廣十餘里人馬無溺者分兵縱擊之
國安驚以爲神盡棄戰艦攜魯王遁保台州國賴
奮力追剿拔金華衢州各城會端重親王令與都
統漢岱分兵進師福建國賴自衢州統所部兵擊

敗明閩部黃鳴駿於仙霞關攻克浦城漢岱亦自
廣信破分水關入崇安明唐王朱聿鍵遁走汀州
諸將乘勝追擊擒斬聿鍵等五人及其總兵等官
盡降其衆聞海悉平回次金華病卒年四十七子
輝塞襲爵圖賴既卒之後二年貝子吞齊等誣告
圖賴黨徇肅親王鄭親王又與譚泰等私相盟誓
睿親王追論之奪輝塞爵併沒其家

世祖章皇帝親政知圖賴無辜且

念舊功追諡昭勲配享

大廟

賜文勒石復輝塞一等公還其貲產雍正九年加號曰雄

勇

馬福塔

馬福塔滿洲正黃旗人姓納喇初任佐領與兄滿

達爾漢分轄所屬人戶

太宗文皇帝天聰五年授戶部叅政八年三月

命同戶部承政英俄爾岱奏朝鮮國王李倬罪李倬引咎
報謝五月

太宗親統師征明大同馬福塔隨貝勒濟爾哈朗等留守
盛京九月貢奏

行營道出明鐵山路遇明兵邀拒者斬五人俘一人又勸
一人誠諭縱還邊人憚之尋擢戶部承政九年偕
叅政博爾惠賁

諭朝鮮自是通使朝鮮馬福塔輒奉

命往崇德元年復同英俄爾岱等使朝鮮明皮島兵遮於
途盡擊走之還奏得

賜賚是年七月部議額駙佟養性嫁女與貝勒岳託予以
六十人爲媵戶部諸臣弗阻止馬福塔應革任罰
鍰得

旨免革任九月以互市往朝鮮義州擒獲明哨卒知明兵
入隸場因率百人躡其後明兵遁值武英郡王阿
濟格等証明凱旋偕諸參領渡遼河備舟艦十二

月

太宗以朝鮮背盟逆命將統師

親征先遣馬福塔同前鋒統領勞薩等將兵三百爲賈人

裝晝夜疾馳將至國都其守將率兵拒戰我兵奮

擊盡殲之李侗爲緩兵計遣其臣至郊外迎問馬

福塔答以有事欲議其臣曰爲議事而來當啟知

吾王以禮相迎請少待遂閉門不納明日李侗遁

往南漢山城追至城下還奏

行營明年正月大軍破其國都進圍南漢山城馬福塔兩

奉

勅入城數李侗罪導以輪誠納款侗先使其臣請罪隨率

羣寮出城乞降具表稱臣二月大軍凱旋李侗跪

送於十里外馬福塔復奉

命與英俄爾岱送李侗還李侗餽以金却之奏

聞四月隨武英郡王阿濟格证明皮島自北隅督戰大捷

六月法司議前征朝鮮時馬福塔擅攜其子隨往

以俘獲諸物先衆賞歸又奪取降民鷹與貝子碩
託索易婦人私令朝鮮將臣與碩託交結應奪俘
獲論死得

旨免死罰贖十月復同英俄爾岱賚

勅封李倬爲朝鮮國王三年正月戶部承政韓大勲盜取
貯庫金銀珍珠馬福塔以同官弗舉坐罰鍰七月
更定官制改授馬福塔爲戶部左叅政四年正月
部議馬福塔購買官商胡有徵黃金負價未償應